

Fi Faatunde Nelaado

[Page 1]

Bismi l-Lāhi al-Raḥmāni al-Raḥīmi

Allāhuma ṣalli ‘alā sayyidanā Muḥammadin wa sallim

Midō yetta waḍu ḍoŋ e mofte Nulaado Allaahu

Andindo lan lamru Alla e nahayu Allaahu

Wadānan salaatu e o’o gidō Maa yo Allaahu

e salaamu maada ko limtaa khalqu Allaahu

No maaka fii faatagol burnaado Allaahu

Muhammadu yedāado burdo tageefo Allaahu

Tuma neldunoo naṣru Alla yidaado Allaahu

e uddital, yimbe nootii diina Allaahu

Dun anndiraa jaati o’o burnaado Allaahu

e hewde insinanaade jiyaabe Allaahu

Tuma battinoo jaati burdo tageefo Allaahu

fii nootagol hamma laakhara saare Allaahu

O fooyi sappo e jeetati naldī Allaahu

e tenen, o wasiyii tageefo yo dofto Allaahu

O maaki: “ min, hewtanii lan jaati Allaahu

nde tultataa wakkile ka’a diina Allaahu”

Nde Bilaali arnoo, o noddinii subaha Allaahu

O badii o salmini ka burdo tageefo Allaahu

ḍon Faatumata yalti maaki nulaado Allaahu

No e haaju gay jurnugol o'oo waqtu Allaahu

Nde Nulaado gelinoo Bilaali no maakani ben wonunoo-

be gaa ontanee saliijo Allaahu

Nde Bilaali tinunoo Nulaado, o maaki yaltu

wi'aa mi waawataa, hannde ko mi nangaado Allaahu

[Page 2]

Yahu yeetodaa Buubakri Siddiiqi juulina on

mi waawataa hannde juulnude subaha Allaahu

Bilaali fesi, ronnditii sookeeje den didi

non, sentii ka juulirde maaki Nulaado Allaahu

Yo a julno en hannde yaa Siddiiqi hannde ko an

o waawataa hannde. haaci jiyaaɓe Allaahu

Nde Nulaado gelinoo no haaca jiyaaɓe Allaahu

nee Faatumata, taw ko wulli jiyaaɓe Allaahu?

On maaki ko Bilaali maaki a ronku

juulnude ha si wonaa be tine tun be fukkay subha Allaahu

O maaki awa noddanee lan Aliyu gennda

e Abdullaahi aranammi deyy'a jiyaaɓe Allaahu

Nulaado tuugii e ben, seenii o julni be

den dardɛ didi, juutinaali Nulaado Allaahu

O fewti be o maaki: "Juulbe, hedee! Mi wa

-ynike on yahugol an ka laakhara mido e nootaade Allaahu

Ko waynondirden, ko hulugol jaati Allaahu

e huuwugol lamuru e accita nahyu Allaahu

Ko onon yo ferunooɓe faabii dinaa Allaahu

duumee e rewgol, mi hootay haa ka Allaahu

Ko ononɗ yo taakamɓe diina Madinaa

Allaahu. Mi waynitike, nodditii lan hannde Allaahu

Ko hannde woni sakkitiinde ñalaande Allaahu

nde tinndeten. Min, mi hootay han ka Allahu

Ko hannde hootay-mi laakhara saare Allaahu

mi lontinii Buubakar, waqtuuji Allaahu

Wata welsindee, dumne ngurndan diina Allaahu

en tinndoyay ñaande boowal saami Allaahu”

[Page 3]

Tuma Alla wi'unoo yo Malakalmawti juuro mo non

yidaaɗo burnaado kullu jiyaaɓe Allahu

Yo o suurano mo suura moyɗo, beyɗitoo newagol

haara nokku hulataa e makko, Nulaaɗo Allaahu

Yaa diiso, naataa si duɗike Nulaaɗo Allaahu

si o maaku yo a yilto, dofto Nulaaɗo Allaahu

O jippodi e Malaa'ikaabe yidaabe, jalbube sal

ben maaki kisiyee e ma'a yo Nulaaɗo Allaahu

e yimɓe belebon Nulaaɗo subaado Allaahu

mi diisike, mi naata non ka nulaaɗo Allaahu

O salmini, o diisii naatugol didaɓun

jabaaki kadi gooto. Fahmi Nulaadŋ Allaahu

No to dammbugal, diisotoodŋ Nulaadŋ Allaahu

faalaadŋ yottinde. Maaki Nulaadŋ Allaahu

Yaa Faatumata, lanndo wondŋ ka dammbugal

Gelodaa. O maaki noddiiŋ dŋo, yo Nulaadŋ Allaahu

On gorko faadiidŋ naatude wi'i mo

Allaahu no fooyinani en subaadŋ tageefo Allaahu

Mi inni mo, a waawataa yo Nulaadŋ Allaahu

o soghlirii jaati ma'a, ñawnii ma Allaahu

O noddi didaɓun, mi jaabii ka tataɓun

dŋŋ diwninii banndu an waylii ndu Allaahu

Burnaadŋ maaki a annda o'o yo bingel aŋ ?

O'o yirbinay cuudi, wurna genaale Allaahu

Tayŋoowo sahwuuji sennda ko hawti aduninya

fow o'o yirbinay aduna, wona genaale Allaahu

O'o wondinay bibbe, heynina rewbe sennda be

Jawle, hara faggunoobe yahii ka genaale Allaahu

[Page 4]

Sendaydŋ neene e bidŋdŋ e neene-gooto mu'uŋ

e baaba-gootoobe, nattira fow muudun ka Allaahu

Burnaadŋ on tolni Malakalmawti, sannimo noŋ

o salmini mo, maaki burdŋ tageefo Allaahu

A juurotun hannde, kaa yamirii ma Allaahu

yo a yaltinan ruuhu on, nattaa ka Allaahu

Si a newnanaali, mi yiltoto tun ka Allaahu

mi suusata gajje hakkunde maa e Allaahu

O maaki e ka accudaa Jibriilu o'o

Gidɔ an mo woowondirnoo mi aduna, mi wondi Allaahu

Sehelaajo an, addanayɔ lan wahyu Joomi

me'en, men waynondira? wi'i mo Ajara'iilu Allaahu

Himo baawo an tatte di'i kammuuli Allaahu

no jeeja mo Malaa'ikaabe yidaabe Allaahu

Yo'o mu'yo fii ma'a, a sentoto han ka Allaahu

Neebaali Jibriilu hewti Nulaadɔ Allaahu

Burnaadɔ maakani mo yaa Jibriilu, yaa gidɔ an

a anndinaa badike yahugol an ka Allaahu

O maaki mido anndi tigi yo yidaadɔ Allaahu

no yurman mi tun, iwde maada e aduna Allaahu

O maaki awa wewlinan, si mi yalta aduna Allaahu, kabii

a lontoto baawo an ka'a diina Allaahu

O maaki ruuhuuji laakhara fow, no heblani maa

no jabbo maa, sanne, teddina yidaadɔ Allaahu

Awa Aljanna ontanooma, Malaa'ikaabe wadii

saffeeji fii jabbagol ma Nulaadɔ Allaahu

di'i fow no heblii, no sabbii ruuhu maada kabii

o'o ruuhu maada no dow ruuhuuji Allaahu

[Page 5]

O maaki mido yidi ñun, bado wewlinaa mi fahin

mi haabataa moy'yi woodan ñin ka Allaahu

O wi'i mo cudanaama huurul ayni, candi

ilii, galleeli Aljanna fannda Nulaado Allaahu

Awa dimde Aljanna lokkindiraama jujude ka ley

haa hewti dow, bannanaa ma Nulaado Allaahu

O maaki mido yidi ñun, bado wewlinaami fahin

mi haabataa dokke an marannimmi Allaahu

O maaki mo ko an woni arannde tefoowo dendaa

-ngal Yawmal Qiyati, tuma awti tageefo Allaahu

O maaki mido yidi ñun, koni ittu sunnu e an

fii mofte an ñen, ko maran ñe jango, Allahu?

O maaki toro tun ko yidudaa, Jooma rokke

kabii ko faaladaa woo, o okkete dun ka Allaahu

O maaki mo Aljanna o'o harmii e dendaa

-ngal ben Annabaabe, e kullu waliyu Allaahu

Haa naadoyaa mofte ma'a, Allaahu dagnanaano

Nulaabe heddiibe ben Aljannaa Allaahu

O maakanimo bernde an wewlinii, yo bado lan non

on ardo nabude non, mido e nootaade Allaahu

Nde o naatunoo kanko Ajraa'iilu, wulliri non

Jibriilu huccini yeeso Nulaado Allaahu

O maaki e a huccinay ngo'o yeeso o'o

Gido ma'a mo woowondirdaa, himo e nootaade Allaahu ?

O wi'i mo e ko hommbo waawata ndaarugol

wano ma'a, tuma woonodirtaa e Malaakalmawti Allaahu ?

Mo waawii haa ndaarugol ma, yidaado Allaahu

a fokkitii seenagol ka yenaande Allaahu

Tuma ruuhu arnoo ka wuddu Nulaado Allaahu

o maaki e ko haadiiri wa ndee mayde Allaahu

[Page 6]

Jibriilu e Malaa'ikaabe yidaabe Allaahu

fow haaci non yalti ruuhu Nulaado Allaahu

Beynguuli fow wulli, yimbe e jinna fow

ko wano non dabeeji e maaje e candi leyde Allaahu

Tamat al-kitāb yawm al-arba'ā

Katabahū Ahmadu Julde bn. al-Ḥājjī Muhammadu

Ramadaana bn. Cerno Ahmadu Fula

Maadiyanke. Allāhuma aghfirlī

Wa li wālidayya wa l-shuyūkhinā wa ajitnā

Wa azwājinā wa dhuriyātinā wa akhwāninā

Wa lijamī' al muslimīna, wal muslimāti

Kulluhum ajma'īna

Alḥamdu li l-Lāhi Rabbi l-'alamīn